

Das 7. Capitel.
 Von Auffziehung der
 Reben/22.

Wenn der Fröling herbey kommen
 ist/ vnd das Erdreich wol auffge-
 thawet/ auch schön warm vñ treu-
 ge Wetter ist/ so vngesehr vmb Georgi oder
 Gertrauten Tag man anzufahren pflieget
 auffzuziehen / so sol es vmb Mittag gesche-
 hen/ damit der Stock fein abtrucknen/ vnd
 das Erdreich denn abfallen kan. Denn
 wenn es noch naß ist / vnd vber Nacht ein
 Frost kömpt / so kan es leichtlich erfrieren/
 vnd erkalten die Augen/ sonderlichen wenn
 nun schon der Safft in der Erden in den
 Stock getreten ist / daß sie also nicht auß-
 schlagen können/ vnd grosser Schaden ge-
 schicht / wenn das nicht in acht genommen
 wird. Denn weil es vber Winter in der Er-
 den gelegen / so ist es der kalten Lufft vnd
 Frost entwohnet/ vnd kan leicht verderben.
 Denn wie ein Krancker oder Gefangener /
 der lange innen gelegen hat / wenn er in die
 kalte Lufft kömpt / nicht lawren kan: Also
 wenn